



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 4. Vtrum ignorantia, quæ non est causa actus, sed dumtaxat
comitatur actum, faciat actu[m] inuoluntarium.

[urn:nbn:de:hbz:466:1-72898](#)

30 Quæst. 6. De Voluntario. Art. 8. Dub. 2. 3. 4.

ignorantia sit causa operis, sufficit ut homo ignorantiam suam cognoscat, & ex illa posse in genere aliquid mali, vel omittendo, vel committendo, sequi. Cognoscit autem suam ignorantiam, quando aduertit in particulari vel in genere debere se aliqua discere, quæ necit.

Dico Secundò, Hæc ignorantia consequens, etiamsi crassa sit, minuit tamen rationem voluntarij.

*Ignorantia
crassa sit.
nihil ratio-
nem voi-
luntarij.*

Probatur Primo, Quia facit ut opus non sit volitum in seipso, sed solum in causa sua: minus autem est volitum, quod in seipso non est volitum, quam id, quod in seipso est volitum: ergo minuit rationem voluntarij. Secundò, Qui ex ignorantia crassa operatur, facit id quod nolle, si sciret: ergo minus voluntarij operatur, quam si sciens faceret. Hinc Apostolus 1. Corinth. 15. dicit se misericordiam consequetur, quod ignorans persecutus esset Ecclesiam Dei: & tamen ipsius ignorantia crassa erat.

Aduerte, Ignorantiam per se & directè esse causam immunitonis voluntarij: ideo enim minus voluntarij censetur facere, quia ignorat conditionem rei. Non ita est causa operis; aut voluntarij in opere; aut inuoluntarij, ut patet ex dictis.

D V B I V M III.

Vtrum Ignorantia consequens affectata minuat voluntarium, aut faciat ex parte inuoluntarij?

*Bonaentia.
Almain.
D. Thom.*

D. Bonaentura in 2. d. 22. a. 2. q. 3. Almainus Tract. 1. Moralium c. 5. docent etiam hanc minuere voluntarium. D. Thomas hoc loco, & q. 76. a. 4. docet hanc ignorantiam potius augere, quam minuere voluntarium.

*Tribus
modis pos-
sunt quæ
directè velle
ignorare.*

Sed notandum est, Tribus modis fieri posse, ut quis directè velit ignorare; Primo, Propter molestem discendi vel inquirendi. Secundò, Ob cupiditatem aliquid agendi coniunctam cum voluntate non faciendi id, quod constet esse peccatum: ut si dubites de firmitate matrimonij; nolis tamen viterius inquirere, ne tenearis abstinere: si enim aperte scires esse inualidum, omnino velles abstinere. Tertiò, Ut liberiū peccet; seu ne per scrupulos, quos scientia ingenerat, vel alia ratione, à peccando auertatur.

His postis, Dico Primo, Ignorantia affectata primo & secundo modo, facit ut opus ex parte sit minus voluntarium, quam esset si cum scientia fieret; & etiam facit aliquo modo inuoluntarium.

*Ignorantia
affectata
quo modo
minuat vo-
luntarij.*

Probatur prior pars, quia efficit hac ignorantia, ut opus, cum sit, non sit directè voluntaria; nam occultat operis conditionem. Cum enim voluntarium includat cognitionem; id quod priuat cognitione, priuat ratione voluntarij; ut rectè D. Bonaentura loco citato.

Alter a pars etiam patet, Quia ignorantia est causa cur faciat id quod voluntati displaceat: ergo facit quodammodo inuoluntarium.

Dices, Ignorantia affectata est omnino voluntaria; nam est directè voluntaria: ergo non potest minuere voluntarium, aut facere aliquo modo inuoluntarium.

Respondeo Negando Consequentiam; Sicut enim mortis metus in tempestate est omnino vo-

luntarius; tamen causat quodammodo inuoluntarium: ita ignorantia affectata, hec ipsa directè sit volita, potest tamen esse causa, cur aliquid minus voluntarij, & etiam ex parte inuoluntarij faciamus: facit enim, ut nō videamus illud, quod si videremus, nollemus facere. Hinc sequitur, Hanc ignorantiam multum minuere de culpa, quia minuit de ratione voluntarij, & de ratione contemptus: minus enim censetur contempnere diuinam legem, qui ex huicmodi ignorantia peccat, quam qui ex industria.

Dico Secundò, Ignorantia affectata tertio modo, eti physice minuat voluntarium, tamē moraliter non censetur minuere. De hac ignorantia loquitur D. Thom, & hoc modo exponendum est.

Probatur, Quia eti illud opus, quod fit ex hac ignorantia, non sit ita expresse volitum, ac si esset in seipso volitum; ed quod ignorantia occultet operis conditionem dum fit, tamen coram Deo censetur aquæ volitum. Ratio est; quia illud opus antea fuit directè volitum in genere, quando, ut liberiū peccaret, voluit ignorare, & ita ardenter volitum, ut propter illud, ne impeditetur, voluerit habere dispensum scientiæ: ergo non minus, sed magis censetur voluntarium, quam si simplici modo cum Scientia fecisset. Multi enim peccant cum Scientia, qui tamen non tam afficiuntur operi, ut velint propter illud ignorare; & à se amovere omnia impedimenta peccati in posterum. Confirmatur, Quia id quod sequitur ex vi maioris voluntatis, censetur magis voluntarium: atqui id quod fit cum tali ignorantia; sequitur ex vi maioris voluntatis: ergo &c. Secus accidit in primo & secundo modo ignorantie affectata. Nō enim illi volebant ignorare, ut liberiū peccarent; sed alter ob laborem, alter ne grauiter peccaret.

Dices, D. Bonaentura dicit generaliter verum esse, omnem ignorantiam, in quantum huicmodi, excusare peccare: ergo etiam hæc excusat, ac proinde minuet voluntarium.

Respondeo, Excusat qua parte est ignorantia; quia occultat conditionem operis: sed accusat & auget ratione causæ sue; nempe ratione voluntatis liberiū peccandi; quæ est causa ignorantiae & operis fecuti.

D V B I V M IV.

*Vtrum Ignorantia, que non est causa actus,
sed auctorat comitatur actum, faciat
actum inuoluntarium?*

R Espondeo & Dico Primo, Ignorantia comitans numquam facit actum inuoluntarii, siue ipsa sit voluntaria, siue inuoluntaria.

Probatur; Quia tunc dicitur quis operari cum ignorantia Comitante, quando necit quid faciat; si tamen sciret, nihilominus vellet facere.

Hinc fit, ut cum scierit quid fecerit, non displiceat, neque trifstetur. Quod signum est nullo modo fuisse inuoluntarium. Vnde cum quis putans esse feram, interficit inimicū sagittâ emissa,

quem aliqui voluerint interficere, si sciuerit esse inimicum, non inuoluntarie illum interficit, quia non displiceat voluntati. Itaque aliud est facere aliquid ex ignorantia, seu per ignorantiam; aliud cum ignorantia; ut Aristoteles 3. Ethic. cap. 1. docet. Quod enim ex ignorantia fit, displiceat voluntati;

voluntati, cum scierit: si enim absuisset ignorantia, non fuisset factum. Quod vero solum cum ignorantia sit, non displicet; eius enim causa non est ignorantia: nam etiam ignorantia absuisset, aquæ bene factum fuisset.

Facit tamen voluntariis, si sit inculpata.

Dico Secundò, Si haec ignorantia sit antecedens, id est, omnino inuoluntaria, opus quod cum ea sit, censetur non quidem inuoluntarium, sed omnino non voluntarium; ac proinde carent omni culpa: vt si quis in emissione sagittæ, adhibita debitat diligentia ne noceret, nihilominus occidit inimicum, haec occiso est omnino non voluntaria.

Probatur, Quia haec occiso non est in se voluntaria, cum sit ignorata: neque etiam sit voluntaria in sua causa: quia neque in ignorantia, cum haec non sit voluntaria, & etiam non sit causa actus: neque in emissione sagittæ; nam haec prudenter sit, & cum debitis circumstantijs, nihil enim circa illam omittitur, quod ad evitatem illius eventus debeat adesse. Hinc sequitur, occasionem illam ratione ignorantie comitantis excusari à culpa: nam, vt opus non sit peccatum, non est necesse, vt sit inuoluntarium, sed sufficit esse non voluntarium. Hoc autem facit haec ignorantia comitans.

Ignorante occidens inimicum, tripliciter se habens potest.

Dices Primo, Si ille sciret esse inimicum, vellet occidere, ergo illa occiso saltem est indirecte voluntaria, scilicet in illo prauo affectu.

Respondeo, Num qui cum praua affectione occidendi, aliquid ignoranter facit, tripliciter se posse habere; Primo, Si illa affectio seu dispositio solum sit habitualis, v. g. habituale propositum occidendi inimici; nihil tamen actu de eo cogiter; tunc illa dispositio nihil facit ad opus præsens, nec villo modo illud peccato contaminat. Quare ille nec interius, nec exterius peccat peccato homicidij. Nec refert quod ille sit in proposito habituali occidendi; quia ex hoc proposito non operatur. Illa autem conditionalis, si sciret, vellet occidere, non ponit illud velle in re, sicut nec illud scire; ac proinde illud velle non influit in opus.

Secundò, Si ille non solum habitu, sed etiam actu optet occisionem inimici, dicens in corde suo, Utinam haec sagitta inimicum interficerem! tunc licet haec voluntas sit praua, & habeat culpam interiorum homicidij; tamen effectus secutus non censetur adhuc voluntarius, si necessariam diligentiam adhibuit. Ratio est, quia affectus ille interior, licet comitetur emissionem sagittæ, & occisionem inimici; neutrius tamen est causa. Nam emisio sagittæ procedit non ab illa voluntate, qua optat occidere inimicum; sed ab voluntate occidendi feram. Quod confirmatur:

quia non habet absolutam voluntatem; Volo nunc occidere inimicum, sed desiderium inefficax, Utinam occiderem! Atqui actus exterior non procedit à voluntate inefficacem, sed absolutam.

Dices, Effectus secutus est volitus ab isto homine: ergo censetur illi esse voluntarius.

Respondeo, Esse volutum inefficacem quādam voluntate per modum obiecti optabilis, sed non esse secutum ex hac voluntate seu desiderio; quia

merē per accidens illi coniungitur: perinde ac si alio emitentes sagittam ad interficiendam feram, tum optares interfici inimicum. Sequitur enim emisio sagittæ ex voluntate interficiendi feram; cui voluntati per accidens coniungitur illud desiderium interfictionis inimici.

Tertiò, Fieri potest, vt quis in genere habens hanc voluntatem, Volo emittere si forte occida, reuera occidat inimicum, sed moraliter fieri vix potest, vt quis hoc faciat cu ignorantia inuoluntaria. Nam haec voluntas non potest esse cum sufficienti diligentia & circumiectio ne occidat. Tamen etiamsi contingere adhiberi debitam diligentiam; videretur nihilominus actus ille esse voluntarius; quia reuera oriretur à voluntate occidendi inimici. Neque ignorantia presentia inimici eum excusaret; quia ex voluntate occidendi emitit sagittam, existimamus fortassis accidere posse, vt hoc modo inimicum occidat.

Dico Tertio, Quando haec ignorantia est consequens, id est, voluntaria directe vel indirecte; non facit vt opus quod cu ea sit, sit non voluntarium, sed vt censetur voluntarium. Vnde neque omnino à culpa excusat. Patet exemplo: Si quis inadverte emittens sagittam, occidat hostem; voluntari censetur occidere, saltem indirecte: tenebatur enim adhibere diligentiam sufficientem ne quem ledet, & non fecit: ergo censetur occidere voluisse. Confirmatur, Si occidisset hoc modo amicum, censeretur homicida; quem tandem videretur minus occidere voluisse quam inimicum: ergo similiter, si hoc modo occiderit inimicum.

Dices Primo, Illa inimici occiso neque est voluntaria in seipso; quia ignorabat esse inimicum; neque est in causa sua, scilicet in ignorantia; quia ignorantia illa, et si sit voluntaria, non tam est causa occidens: ergo nullo modo est voluntaria.

Respondeo, esse voluntariam in sua causa; non quidem in ignorantia, sed in illa emissione sagittæ sic facta. Qui enim sic inconsiderat tali tempore & loco vult emittere sagittam, censetur implicite hominem velle occidere. Nam sicut id quod sequitur ex emissione voluntaria, si tenebar impeditre, & non impediatur, erit voluntarium in causa: ita id quod sequitur ex actione voluntaria, si tenebar impeditre, & non impediatur, erit voluntarium in illa actione; ex qua præter intentionem sequitur.

Dices Secundò; D. Thomas infra q. 75. a. 4. docet, Ignorantiam comitantem, neque accusare, neque excusare. Ergo numquam facit voluntarium, aut non voluntarium.

Respondeo, Omnis ijs que ibi docet Caecanus. D. Thomam nihil aliud velle, quam ignorantiam comitantem per se, quia comitans est, neque accusare, neque excusare; quod verum est. Cum hoc tamen consilit, quod possit excusare vt est antecedens, seu non voluntaria; & accusare vt est consequens seu voluntaria; vt ostensum est. Reliqua quæ de ignorantia dici possent, pertinent ad quest. 76.